

ACTIONS DE  
GRACE, ET RESIOVIS-  
SANCE DE LA FRANCE,  
Sur la Mort du Mar-  
quis d'Ancre.

no. 4

A V R O Y.



A R O V E N,

Chez Iean Briselet, Libraire demeu-  
rant à la ruë du petit Puis.

Iouxtela Coppie Imprimée à Paris,  
Par Nicolas Allexandre.

*Avec Permission.*

ALCOHOLIC

EXTRACT

OF

THE

HERB

OF

THE

HERB

OF

THE

HERB

OF

THE

HERB

OF

THE

HERB

OF

THE

# ACTIONS DE GRACE , ET Resiouissance de la France, Sur la Mort du Marquis d'Ancre.

A V R O Y.

S I R E,

**S** Entre les conformitez qui sont entre vostre Ma-  
jesté, & le grand Alexandre, celles là y sont euidé-  
tes qu'il fut fils comme vous d'un grand Capitaine , &  
grand Roy qui luy succeda fort ieune comme vostre M.  
Au grand Henry , & qu'apres sa mort la plus-part de ses  
sujets se rebellerent comme les vostres, mais celle cy est  
tres particuliere qu'en ceste premiere ieunesse quelques  
Grecs, Demosthene entre autres, ne le cognoissant pas  
bien l'appelloient enfant comme quelques François le  
cognoissant encores moins, vostre Majesté ont eu l'in-  
pudence d'en dire autant, & que neantmoins il leur mon-  
stre bien qu'il estoit homme, & le plus grand homme du  
monde, comme vostre Majesté nous fait voir mainte-  
nant qu'il ne l'est pas moins.

Il est vray, S I R E, qu'il y a ceste difference qu'Alexan-  
dre fit voir sa grandeur aux Grecs, à leurs despens, & à  
leur ruine, & vous monstres la vostre aux François, à leur  
profit, & conseruation.

Alexandre l'assignala par la perte de leur liberté, &  
vous signalez la vostre par la ruine d'une tyrannie establie  
en vostre Estat, par le plus insolent, le plus outrageux, &  
le plus insupportable estrangier qui se vid iamais.

En fin S I R E, Alexandre tourna les premiers coups de  
ses Armes contre les Grecs alors ennemis des Barbares,  
& vous auez tourné les vostres cōtre yn Barbare ennemy

de vostre autorité, qui fouloit aux pieds les plus beaux Fleurons de vostre Couronne, & mastinoit si outrageusement la France quelle n'en pourra iamais assez viuement ressentir l'outrage.

**S I R E**, ie ne veux pas crier apres vn corps mort, il est vray que ie ne l'ay guere aymé viuant: mais aussi ne l'ay ie iamais hay que comme François, & interressé en la commune iniure de vos su jets, i'auois regret avec eux de voir vn homme de peu qui n'estoit releué d'aucune partie, qui n'estoit recommandé d'aucune vertu, homme sans nulle valeur sans nulle considération, principalement en France ou il estoit venu sans qualité, ny sans nom, estre paruenu tout d'un coup en vne si formidable grandeur qu'il ny auoit grad en vostre Court qui ne l'adorast, il ny auoit genouil qui ne fleschit à l'Idolatrie, non pas seulement de luy, mais de ses moindres creatures, il ny auoit Officier de vostre Couronne qui ne tremblast, il ny auoit Court ny Conseil qui ne fremit, il ny auoit charges qui ne vendit, il ny auoit Finances qui ne raut, il ny auoit Sceaux, ny garde-Sceaux qu'il n'ostast, & qu'il ne remist ny ressort en tout vostre Estat qu'il ne fist iouër, & mouuoir à sa fantaisie.

I'auois leu l'Histoire de nos Roys depuis Pharamond, & marqué la grandeur des Maires du Palais Royal qui en fin deposederent leurs Maistres, peu de Grecs, & peu de Romains ont veu des tirans, dont l'histoire ne m'aye appris quelque certaine ou confuse cognoissance: mais ny là, ny ailleurs ie n'auois iamais leu, ny ouy parler d'une telle tyrannie, car au moins les autres se contentoient de tyranniser les peuples, dont ils auoient empieté la domination, & cestuy cy estranger, & moins que subiect en France, y tyrannisoit le peuple, & le Roy il regorgeoit d'abondance en vostre nécessité, il paroissoit avecque cent hommes,



quand vous n'en auiez que dix, & tout cela en vostre presence, à l'esclat des rayons de vostre M. ou biẽ quelle mesme doit paroistre comme aucune estoille, ny autre lumiere ne paroist au Ciel deuant celle du Soleil, bref il assiegeoit tellement vostre Maiesté qu'il ny auoit aduenue en vostre seruice que par son moyen, il ny auoit seruiteur en vostre maison que vous eussiez osé receuoir d'autre que de luy.

Encores s'il se fust arresté là, mais nous replonger en guerres intestines, ouurir le temple delanus que vous veniez de fermer, & ralumer les fureurs Cyuilles qu'on auoit desia allumees a son occasion, & que vous auiez heureusement estaintes : Et apres auoir esmeu vne perilleuse tourmente entre les François rauy leurs sustances, & piller vos propres tresors, a la veuë de tout le monde se vouloit encore gorger de leur sang, & se vanter impudamment qu'il despendoit son bien pour vostre seruice, luy qui n'estoit qu'un Coquin du temps du feu Roy, & qui est le François à qui le cœur n'ait seigné de voir ceste honte. Neantmoins : S I R E, les grands, & les petits quoy que ses mortels, & capitaux ennemis, qui outre le commun ressentiment de ceste iniure publique en estoient tous les iours offensez en particulier, ou en general, ont en iuré toutes ces indignitez, le Ciel reseruant à vostre Majesté la gloire de les venger.

Or graces à Dieu, S I R E, qui vous à fait ouurir les yeux sur vostre peuple vous à fait voir si clair en temps si trouble, & nous fait voir à nous mesme qu'il tient le cœur des Roys en sa main qu'il a touché le vostre, & luy à fait recognoistre que vostre Maiesté ne porte point en vain la main de Iustice puis qu'il commence d'en rendre ses suiets si bon tesmoignage, il estoit impossible S I R E que les vœux de tant de gens de bien, ne fussent en fin ex-

auez, & ne vous en dōnez pas la principale gloire Dieu  
 mesme y a sa part, & sa grande longue & tardine Iustice  
 lassé d'auoir souffert si patiemment vne si grande honte à  
 la France, s'est voulu seruir de vostre Maiesté pour luy  
 rendre son honneur, & faire reuomir à ce tiran avec son  
 sang la substance vniuerselle de vos subiects qu'il à dissi-  
 pees : Mais qui vid iamais vn tel gouffre, quelle abisme si  
 profond n'eust esté remply des choses qu'il à englouties,  
 & quelle insatiable & prodigieuse faim n'eust esté assou-  
 uie de celles qu'il a deuorées.

Aussi apres Dieu, Sire, vostre Maiesté à remedié à tout  
 ce desordre, par yn seul coup, avec tant de iustice, de  
 prudence & d'heur, qu'il n'est pas possible d'en souhait-  
 ter d'auantage, Vous auez faict voir que vous estiez Roy,  
 que vous vouliez regner & faire iustice, vous auez osté  
 le pretexte & subiect de discorde à tous les François qui  
 suiront tous ensemble pour vous seruir, & tourner à  
 l'accroissement de vos Coronnes, le fer qu'ils auoient  
 desia tiré contre eux mesmes.

Nous espérons Sire, que sous vn si braue & si iuste  
 Roy à qui les subiects sont si chers, & qui est si cher à  
 ses subiects, nous porterons les enseignes de vos armes  
 victorieuses par tout le monde, qu'au lieu de nous entre-  
 tuer en vne guerre Ciuille, ou les victoires ne peuuent  
 estre que Cadmées, & ou vostre Maiesté ne peut que  
 s'affoiblir, & perdre mesme en gaignant : Nous ferons  
 reuoir aux Estrangers que les Fleurs-de-Lys incogneues  
 depuis quelques temps parmy eux, seront encores plus  
 florissantes sous le bon heur de vostre Maiesté qu'elles  
 ne furent iamais sous les Roys vos ayeulx quelles ont  
 plâtées avec le fer aux plus reculés endroicts de la terre,  
 que sous vn Prince inuincible, Nous ferons encor in-  
 uincibles, & que la generosité des François reprenant

ouuelle vigueur & nouuelle forcé sous vn tel Roy,  
 vous rendra plus grand que le grand Henry, plus saint  
 que saint Louys, plus auguste que Philippe, plus victo-  
 rieux & plus conquerant que Charlemagne, vostre  
 Royaume sera plus grand & plus redoutable que son  
 Empire, vostre Sceptre que son espée, & vostre reputation  
 que son nom.

Et d'autât, Siré, que vous auez premieremēt satisfait à  
 la iustice de Dieu, qui non content du sang & de la vie de  
 cest ennemy commun de tous vos subjects, & de vous  
 mesme, le poursuivant encores apres sa mort, la priué du  
 roi & de la sepulture que vostre Clemence luy auoit don-  
 née : Ayant mis en l'ame du peuple sans ordonnance ny  
 commandement, & mesme contre la deffence de l'arra-  
 cher du tōbeau, dont il estoit indigne, & de la terre qu'il  
 estoit hier indigne de le porter, le trainer ingnomini-  
 usement par les rües, & l'ayant pendu aux mesmes po-  
 nences qu'il l'auoit faictes dresser, brusler les miserables  
 restes de son corps, avec toute la rage que la fureur d'vn  
 peuple incensé fait exercer sur vn infame charongne, &  
 au'outre celà vous auez encores satisfait à celles des  
 hommes vengeant l'honneur des François, & esteignant  
 en son sang les feux de tant de brandons qu'il alloit allu-  
 mer en France, que par la mort d'vn hōme si criminel vous  
 auez sauué la vie à tant d'innocens, arrester les sources  
 de tant de maux, appaiser tant de mouuemens, & asseurer  
 tant de villes, donné la paix à vostre Royaume, le repos à  
 vostre peuple, l'asseureté au Clergé, le contentement à la  
 noblesse, & l'authorité à la iustice, acquerāt aujourd'huy  
 par ce seul moyen plus de bien-veillance enuers vos sub-  
 jets, & de reputation enuers les Estrangers que ne vous  
 en scauroit acquerir dix batailles.

Nous recognoissons humblemēt que c'est auourd'huy



le iour du Seigneur, qu'il a fait auourd'huy & des tous-  
 jours toutes choses sont grandes, & le supplions que  
 comme il luy a pleu d'inspirer si saintement vostre Ma-  
 jesté, il luy plaie de vous continuer tousiours les mesmes  
 faueurs, benir vostre regne de mesmes graces, conseruer  
 celuy qui nous a conseruez, & combler de toutes bene-  
 dictions, le bon heur de vostre vie, & vous protestons,  
 Sire, que puisque vous auez espargné le sang des François  
 en cet action, ils n'auront iamais de plus grand desir que  
 de l'espandre en vostre seruice, que puis que vous estes  
 leur Roy d'effaict comme de nom & de droict, ils n'auront  
 iamais de passion plus forte que de vous faire voir qu'ils  
 sont vos subjects, qu'ils ne souffriront iamais d'autre  
 Souuerain, & ne se departiront iamais de la fidelité qu'ils  
 vous ont jurée, que la Noblesse vous recognoistra tous-  
 iours pour son Chef, le peuple pour son pere, l'Eglise  
 pour son premier fils, la Iustice pour son protecteur, &  
 tous ensemble pour le meilleur Roy qui viue, que puissent  
 vos belles destinées estendres les longs fillets de vostre  
 vie, & la gloire de vos conquestes, autant qu'il a d'aages  
 en la Durée, & de climats en l'estendue du monde, que  
 puissiez vous Alcide nouveau des François, repurger  
 la terre de monstre, releuer l'honneur des Armes, accroi-  
 stre celuy des lettres, chastier vos ennemis & reco-  
 gnoistre vos seruiteurs, que vos prosperitez surmonter  
 nos vœux, & vostre propre desir, que vous ayez non seu-  
 lement la victoire : Mais aussi les estats de tous ceux qui  
 voudront vsurper le vostre, que finalement tous les Rois  
 de la terre soient vos subjects, & que l'Vniuers com-  
 prins en vne seule Monarchie, soit desormais appellé la  
 France.

F I N.





